



Bakgraon Infomeisen Blong wan skol-Beis Komputa Lab mo Intanet Komuniti Senta (CLICC)

Blong increasim use blong ICT long olgeta studen, tija, ol skol administreira, ol man mo ol woman long ol komuniti wei stap kolosap, mo ol smol bisnis long process blo edukaesen mo improvum olgeta social mo bisnis activity lo komuniti.

Oli setemap wan program blong Vanuatu Gavman blong provaedem nambatu round blong fanding blong ol skol komputa lab we bae oli sevem tu ol komuniti wetem akses long Intanet.

DFAT tru long Australia – Vanuatu Governance for Growth (GFG) Program nao hem I fandum program ia. Ofis blong Gavman Jif Infomeisen Ofis (OGCIO) long Ofis blong Praem Minista nao hem i provaedem polisi gaedens. Telecommunications & Radiocommunications (TRR) nao bae hem i implimentem program ia.

Anda long CLICC program ia, evri skol long Vanuatu oli save aplae blong wan wantaem grant blong provaedem wan komputa laborotry mo komuniti senta, we oli callem se Komputa Laborotry mo Intanet Komunit Senta (CLICC). CLICC Program ia, bai i kam wetem saplae blong computers, paoa supplae we i reliable, akses long intanet(*Projek i kavaremup kost blong intanet blong two yia*) mo trening blong ol tijas. Bai i nomo gat fanding blong kiv hand long operaesen blong CLICC mo tu blong supotem intanet seves time we 2 yia i kam long end.

Skul mo Komuniti i mas makem sua se oli mitim olgeta rekwaimens ia blong save sakses long CLICC program:

- Setemap wan skol komiti we i aktiv, i tekpat mo i glad blong wok blong mekem se CLICC bae hem i wok gud. Hed blong komiti ia mo/ o prinsipol blong skol bae i nid blong saenem wan kontrak blong pruvum se oli kasem asistens mo komitim olgeta long projek
- Raisem sam fands blong kavremap samfala kost blong projek mo soem se bae skol mo komuniti oli komitim olgeta long projek ia.

- Mas aktiv blong bildim CLICC mo provaedem wan suitebol skul rum blong lab, we projek bai i no pem rent blong hem (*i orate blong setem up ol komputa long skul laebrari*)
- Mekem sua se CLICC hem i open long pablik afta long ol skul haoa long aftanun blong komuniti i yusum mo bai i gud sipos i fri o bae oli pem smol fi nomo
- Provaedem pruv se skul i onem graon mo konfemen se i nogat raorao long graon we skul i stap long hem mo lokeisen blong CLICC
- Provaedem plan blong mekem sua sei CLICC bae i operate i ko long fiuja
- Provaedem volontia o pem ol staff blong monitarem yus blong komputa lab long ol haoa we hem i open long pablik
- Kipim ol stret rikod blong ol ekwipment mo fanding mo mekem sua se oli mekem repot i ko long TRR oltaem
- Faenem ol man we oli save instolem, mentenem mo ripерem ekwipmen mo ranem CLICC komputa lab. Hem i ol tija, lokol volontia, Pis Kop o nara IT Volontia, yang pipol we oli save gud ol komputa, aotsaed kontrakta o ol narafala man. TRR i save assis blong directem yu i ko long wan IT man.
- Yusum lab mo ol risos blong krietem lokol content long ol loko langwis mo Bislama blong oli yusum blong tij mo sherem wetem ol narafal skul mo komuniti
- Ripotem oltaem progress blong projek long TRR, wanem hem i wok mo wanem hem i no wok mo evaluetem ol sakses mo felia blong implimenteisen
- Toktok wetem TRR oltaem, long development steg blong projek ia.

Sipos yu rili intres long wan projek olsem CLICC blong skul mo komuniti blong yu, fulumap CLICC aplikeisen fom mo sendem i ko long Ofis blong TRR long kontak infomeisen ia befo: 4pm long 02 December, 2016.

Grant Applications Form (UAP)
Telecommunications and Radiocommunications Regulator
P O Box 3547
Port Vila
Vanuatu

Email: bradpartridge@trr.vu or hansonwaki@trr.vu

Aplikeisen proses blong ol grant ia bae hem i olsem:

1. Evaluation Komiti, hem i wan Komiti we hem i independen mo purpose blong hem i blong makem sua se seleksen hem i transparen mo i folem ol kraeteria we oli provaedem
2. TRR bae hem i olsem wan observa nomo long Komiti
3. Bae oli evaluate ol proposal folem kwaliti mo sakses blong olgeta
4. Bai oli tokabaot mo negotiatem wan faenal plan mo saenem wan kontrakt blong projek ia wetem aplikant we oli reitem hem i high antap,
5. Bae oli awodem projek mo bae eksekusen stej bae hem i stat
6. Ol aplikeisen we oli no saksesful bae oli kipim olgeta long fael in kes i gat moa fand bae i available long fiuja.

Blong statem proses, plis fulumap infomeisen lo CLICC aplikeisen fom we I akses long website blong TRR or yu save kontaktem TRR Ofis.

SKORING

Reviu Komiti bai I evaluate ol aplikasen mo bai oli selektem ol skuls we oli stap andaneat long CLICC Proqram. Bai oli evaluetem olgeta aplikeisen folem skoring kraeteria ia:

Level blong komitmen we skul mo komuniti oli soem	20%
Pesentej blong grant fand we oli matchem wetem lokol fand mo/o "soft match" olsem constraksen materel, labor mo ol narafala eqwipmen	20%
Posibiliti blong long tem, sastenebol sakses	20%
Akses long ol staf we oli kasem trening long saed blong komputa, paoa, mentenens mo opereisen	20%
Soem intres blong developem lokol edukeisonol mo kaljarol content long lokol langwis mo long Bislama	20%
Totol	100%

Yu save kontaktem TRR blong oli helpem yu wetem ol kwesten mo komen long fom ia bifo dedlaen.

Tankiu mo gud lak!